



## МУСТАҲКАМ ТИНЧЛИК ВА ФАРОВОНЛИККА ФАҚАТ УМУМИЙ ИНТИЛИШЛАР ВА БИРГАЛИКДАГИ ҲАРАКАТЛАР БИЛАН ЭРИШИШ МУМКИН

19 сентябрь куни Нью-Йорк шаҳридаги Бирлашган Миллатлар Ташкилоти бош қароргоҳида БМТ Бош Ассамблеяси 78-сессиясининг умумсиёсий мунозаралари бошланди. Унда Ўзбекистон Республикаси Президенти Шавкат Мирзиёев нутқ сўзлади.



Сессия раиси Деннис Фрэнсис бошчилигида ўтаётган мунозараларнинг биринчи кунинда БМТ Бош котиби Антониу Гутерриш, аъзо мамлакатлар етакчилари — Америка Қўшма Штатлари Президенти Жозеф Байден, Бразилия Федератив Республикаси


Президенти Луис Инасиу да Силва, Туркия Республикаси Президенти Режеп Таййип Эрдоган, Жанубий Африка Республикаси Президенти Сирил Рамафоса, Қатар Давлати Амири шайх Тамим бин Ҳамад Ол Соний ва бошқа давлатлар раҳбарлари иштирок этмоқда.

Ўзбекистон Республикаси Президенти Шавкат Мирзиёев ўз нутқида ҳамжиҳатлик ва амалий ҳамкорлик руҳини сақлаш, умумий манфаатларни мавжуд зиддиятлардан юқори қўйган ҳолда мамлакатларни жипслаштириш зарурлигини қайд этди.

▶ Давоми 2-бетда

## МАРКАЗИЙ ОСИЁ ДАВЛАТЛАРИ ВА АҚШ ЎРТАСИДАГИ МУНОСАБАТЛАРНИНГ УСТУВОР ЙЎНАЛИШЛАРИ КЎРСАТИБ ЎТИЛДИ

Ўзбекистон Республикаси Президенти Шавкат Мирзиёев Нью-Йорк шаҳрига ташриф дастурига мувофиқ 19 сентябрь куни Марказий Осиё мамлакатлари ва Америка Қўшма Штатлари етакчиларининг “С5+1” форматидаги биринчи саммитида иштирок этди.



Тадбирда Америка Қўшма Штатлари Президенти Жозеф Байден, Қозоғистон Республикаси Президенти Қосим-Жомарт Тоқаев, Қирғиз Республикаси Президенти Садир Жапаров, Тожикистон Республикаси Президенти Эмомали Раҳмон ва

Туркменистон Президенти Сердар Бердимухамедов қатнашдилар.

Учрашув кун тартибига мувофиқ, савдо-иқтисодий шерикликни кенгайтириш истиқболлари, “яшил” тараққиёт, энергетика хавфсизлигини таъминлаш ва қайта тикланувчи

энергия манбаларини жорий қилиш, минтақавий хавфсизлик, терроризм ва трансчегаравий жиноятчиликка қарши курашиш соҳаларида ҳамкорлик масалалари муҳокама қилинди.

▶ Давоми 3-бетда

## КЎП ҚИРРАЛИ ҲАМКОРЛИКНИ КЕНГАЙТИРИШ МАСАЛАЛАРИ МУҲОКАМА ҚИЛИНДИ

Хабар берилганидек, Ўзбекистон Республикаси Президенти Шавкат Мирзиёев амалий ташриф билан Америка Қўшма Штатларида бўлиб турибди.



19 сентябрь куни БМТ Бош Ассамблеясининг 78-сессияси тадбирлари доирасида Ўзбекистон Республикаси Президенти Шавкат Мирзиёевнинг Америка Қўшма Штатлари Президенти Жозеф Байден билан учрашувда икки томонлама муносабатлар ва минтақавий ҳамкорликнинг долзарб масалалари кўриб чиқилди. АҚШ Президенти мамлакатимиз мустақиллиги, суверенитети ва ҳудудий яхлитлигини ҳамда Янги Ўзбекистон-

Антониу Гутерриш билан учрашуви бўлиб ўтди.

Америка Қўшма Штатлари Президенти Жозеф Байден билан учрашувда икки томонлама муносабатлар ва минтақавий ҳамкорликнинг долзарб масалалари кўриб чиқилди. АҚШ Президенти мамлакатимиз мустақиллиги, суверенитети ва ҳудудий яхлитлигини ҳамда Янги Ўзбекистон-



да амалга ошириладиган ва муқаррар тус солган ислохотлар сиёсатини қатъий қўллаб-қувватлашни тасдиқлади.

АҚШнинг етакчи компания ва банклари билан амалий ҳамкорлик лойиҳаларини илгари суришга тўхталиб ўтилади.

Ишбилармонлар билан ўтказилган икки томонлама учрашувлар ҳамда

давлатимиз раҳбарининг АҚШга ташрифидан олдин ўтган бизнес-форуми яқунлари мамнуният билан қайд этилди.

Инсон ҳуқуқлари, гендер тенглик соҳаларида ҳамда инсон фаровонлигини таъминлашнинг бошқа йўналишларида конструктив ҳамкорликни давом эттиришга алоҳида эътибор қаратилди.



Жаҳон савдо ташкилоти (ЖСТ) бош директори Нгози Оконжо-Ивеала билан учрашувда Ўзбекистоннинг тез фурсатда ЖСТга аъзо бўлиши буйича қўйилган чора-тадбирлар муҳокама қилинди.

Давлатимиз раҳбари мамлакатимиз ўз олдига ўрта ва узоқ муддатли ривожланиш буйича қўйган мақсадлардан келиб чиққан ҳолда ташкилотга

қўшилиш муҳим аҳамиятга эга эканини алоҳида таъкидлади.

Ўзбекистон Президенти Ишчи гуруҳининг навбатдаги йўналишини тайёрлаш, шунингдек, жараёнда иштирок этаётган мутахассислар салоҳиятини кучайтириш ва малакасини ошириш масалаларига тўхталди.

▶ Давоми 3-бетда

## ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ БИРЛАШGAN МИЛЛАТЛАР ТАШКИЛОТИ БОШ АССАМБЛЕЯСИНИНГ 78-СЕССИЯСИДАГИ НУТҚИ

Хурматли раис жаноблари!  
Хурматли Бош котиб жаноблари, делегациялар раҳбарлари, хонимлар ва жаноблар!

Бирлашган Миллатлар Ташкилоти Бош Ассамблеясининг бугунги сессияси халқаро муносабатлар тизимида фундаментал ўзгаришлар юз бераётган бир шароитда бўлиб ўтмоқда.

Жаҳон миқёсида ишонч инқирози кузатилмоқда. Глобал хавфсизлик институтлари фаолиятидаги муаммолар ва халқаро ҳуқуқ меъёрларидан чекинши

кучаймоқда. Ва буларнинг барчаси кенг кўламдаги кескинлик ортисида сабаб бўлмоқда.

Геосиёсий қарама-қаршиликлар туфайли савдо, инвестиция ва инновация соҳаларида эркин алмашиш йўлида янги тўсиқлар вужудга келмоқда. Ҳатто иқлим ўзгаришлари, очлик ва тенгсизликка қарши кураш сингари бутун башарият тақдирига дахлдор бўлган масалаларда ҳам ўзаро мулоқот издан чиққани сезилмоқда.

Бундай мураккаб шароитда амалий ҳамжиҳатлик ва ҳамкорлик руҳини

сақлаш, умумий манфаатларни мавжуд зиддиятлардан юқори қўйган ҳолда, мамлакатларни жипслаштириш ғояси ҳар қачонгидан ҳам долзарб бўлиб бормоқда.

Биз ўтган йили умумий хавфсизлик ва тараққиётга қаратилган “Самарқанд бирдамлик ташаббуси”ни илгари сурдик. Асосий мақсадимиз мамлакатларимиз ва халқларимизнинг бугунги куни ва истиқболи учун масъулиятни ҳар томонлама чуқур англаш, очиқ ва

конструктив ҳамкорликка тайёр барча томонларни глобал мулоқотга жалб қилишдан иборат.

Бирлашган Миллатлар Ташкилоти Бош котиби ташаббуси билан келгуси йил Келажак саммити ўтказилиши халқаро ва минтақавий тараққиётнинг долзарб муаммоларини ҳал этишга, Ташкилотимизнинг таъсири ва самардорлигини янада оширишга хизмат қилади, деб ишонаман.

▶ Давоми 2-бетда

## БУЮК ЎЗБЕК ЙЎЛИ

### ИҚТИДОРЛИ ВА ИСТИҚБОЛЛИ ЁШЛАРНИ ХОРИЖДА ТАЙЁРЛАШ



#### ЯНГИ ЎЗБЕКИСТОНДА КАДРЛАР СИЁСАТИНИНГ МУҲИМ УСТУВОР ЙЎНАЛИШИ

Президент Шавкат Мирзиёевнинг АҚШдаги ватандошлар ва “Эл-юрт умиди” жамғармаси стипендиатлари билан учрашувидан кейинги ўйлар

XXI асрнинг ўзига хос, ўтган асрларда кузатилмаган тенденциялари авлодлар ҳаётида, ижтимоий-сиёсий, иқтисодий, маънавий-маърифий жабҳалардаги ўзгаришларда кўзга ташлана бошлади. Ҳозир бу ҳақда кўп

гапириш мумкин. Улар орасида ғоявий етуқликка интилиш масаласи борки, уни ҳар жиҳатдан таҳлил қилсак арзийди. Бу — кадрлар сиёсати.

▶ Давоми 4-бетда









